

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Zaključkom Vlade Zeničko-dobojskog kantona, broj: 02-11-15195/23 od 09.10.2023. godine, na prijedlog Ministarstva zdravstva, Vlada Zeničko-dobojskog kantona, na 38. sjednici, održanoj dana 09.10.2023. godine, d o n o s i

ODLUKU

o odobravanju sredstava za provođenje obavezne preventivne sistematske deratizacije - jesenja faza 2023. godine u objektima i površinama kojima upravlja Zeničko-dobojski kanton

Član 1. (Predmet)

(1) Odobravaju se sredstva JU Institut za zdravlje i sigurnost hrane Zenica u ukupnom iznosu od 45.000,00 KM (slovima: četrdesetpethiljada konvertibilnih maraka) za provođenje obavezne preventivne sistematske deratizacije - jesenja faza 2023. godine u objektima i površinama kojima upravlja Zeničko-dobojski kanton.

(2) Odobrena sredstva odnose se na realizaciju ugovora o provođenju obavezne preventivne sistematske deratizacije (jesenja faza 2023. godine) u objektima i površinama kojima upravlja Zeničko-dobojski kanton, koji će JU Institut za zdravlje i sigurnost hrane Zenica, nakon provedenog postupka javne nabavke zaključiti sa izabranim ponuđačem.

Član 2. (Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX 002, pozicija „Tekući transfer za deratizaciju”.

(2) Sredstva iz člana 1. ove odluke će se transferisati na žiro-račun JU Institut za zdravlje i sigurnost hrane Zenica broj: 1995130020696511, otvoren kod Sparkasse bank, na osnovu Odluke.

Član 3. (Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Institut za zdravlje i sigurnost hrane Zenica, svako u okviru svoje nadležnosti.

Član 4. (Izveštavanje)

(1) JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava po okončanju postupka javne nabavke dostavljanjem Izvještaja o provođenju obavezne preventivne sistematske deratizacije i dokaza o uplati sredstava dobavljaču.

(2) U slučaju da ugovorena vrijednost nabavke bude manja od iznos sredstava odobrenih ovom Odlukom, JU Institut za zdravlje i sigurnost hrane Zenica je dužna izvršiti povrat sredstava za razliku odobrenih i ugovorenih sredstava.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-15273/23

Datum, 09.10.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Institut za zdravlje i sigurnost hrane Zenica, putem Ministarstva,

1x „Službene novine Zeničko-dobojskog kantona“,

1x a/a.